

命元婚元塋元

鎮塋立宅符 定水圖

元

改良百鎮祕書

上海掃葉山房石印

雲石道人校正

陰陽正要三元

備用百鎮秘書

發兌各種書籍目錄

學生應用書目

御批通鑑輯覽

左傳句解

御批通鑑綱目

監本詩經

大學堂算算教科書

五彩圖幼學瓊林

大學堂體操教科書

五彩圖女子西書讀本

五洲列國志彙

五彩圖監本四書

星輶日記類編

五彩圖三字經

幾何舉隅

五彩圖百家姓

中西算學比例滙通

五彩圖千字文

女學堂教科書

四本玉堂字彙

古文觀止

攷正字彙

古文釋義

毛詩品物各攷

三才略

醫書類

三字經備要

萬病回春

國文初階

針灸大成

總發行所

上海大東門內彩衣街中市

掃葉山房書坊

上海英大馬路拋球場南首

掃葉山房書坊

蘇州閶門內大街中市

掃葉山房書坊

分售處各省大書坊

新刻陰陽三元備用百鎮卷一

陰陽真本說三元

今人邪信更多貪

妄指異名為古法

枉將謬語作真篇

臨時有事顛倒用

將凶為吉事多端

能依本法燃燈鎮

世人豈有不平安

夫三元者即宅元婚元塋元也。古代傳之事節按經乃陰陽綱領之首其秘奧周書通真總論乃宅元也。呂才是為婚元新書總錄小葬五囊全書是為塋元。除五囊全書今朝刪去不為正論更有羣經諸書皆為異名無驗故曰謬語也。今見俗師邪信妄語狂擯妙書不辨真假與正經六義多有不同即為異名也。欲要用事之時亂視諸卷狂檢眾集則凶中有吉吉內將凶又不明較量又不知輕重任意胡為用之多有顛倒而已。將凶作吉將吉作凶恍惚不能定也致令凶殃頻發禍患臨門又不知鎮法只用正論龍蜀經楊公百鎮老君百鎮玄女百鎮者皆為狂法異名無驗也。惟此三元鐫用鎮書乃真正之經依此有驗向凶作吉濟世金寶也。

論終


宅元鎮法

鎮命元建宅

犯庚辛名孝服神主人口災病六畜死損大凶鎮用白楊木刻作人形二箇去住宅生氣方上頭南脚北埋之深三尺以本人浴身水潑在面上其家久遠大吉淨身虔誠焚香禮拜更以錢


符在之帶之

吞帶之吉



犯壬癸名為賊盜主驚恐賊盜或因官司破財之事鎮用獄中土一斗自死鼠一個去逐年鬼門方上埋深一尺二寸鬼門者尅本宅于是也如乾宅去方丁方位為鬼門也如不記宅名論本音尅者亦可

次門貼之




鎮行年建宅

犯卯巳酉為小凶之年主小口灾或破財之事鎮用楊木一片上書勅字化灰用乳香一兩米一兩用水煎之浴身三遍又宜帶符吉



犯辰戌為大山之年。主人口死亡。鎮用古墓磚四塊。填卧床四脚。又宜帶符吉。




鎮九宮宅

犯五鬼之年。主官事破財。口舌不絕。鎮用城市舖店上十字街中土。各取三升。用破墓中水和泥。泥在大門大吉。

犯六煞之年。主傷小口。陰人用神佛座下土五升。以鹽醋為泥。泥在木宅延年位大吉。犯禍害之年。主六畜死損破財官事。鎮用古城土一斗。古井水二升。和泥作人二箇。埋於大門左右大吉。

犯絕命之年。主人口死亡。六畜損失。鎮用本宅游年四吉方土。去本宅伏位上撒之。又用車輻一根埋於伏上大吉。

犯四凶年皆用此符一道各一用之。



鎮千斤煞

犯之主損人傷畜大凶。急以稱一杆掛犯處。紙馬祭之大吉。

鎮邪神丟磚拋瓦

用車輻四根。上書福來禍去。上用明鏡四面上寫佛字。用高杆四根。中宮四面懸起。則邪神遠去大吉。

鎮犯太歲已下神煞出游

假令甲子日。東游犯之大凶。用角木蛟斗木獬奎木狼井木杆四宿值日用硃砂一錢。焚香一錢埋於犯處。黃紙書東方貼之。紙馬祭之大吉。餘方同此。

鎮宅不安

凡人家人口死亡。六畜損失。官事口舌不安者。用五色大石各一塊。每重一百斤。安本宅大吉。
青石上書。歲星居左。埋東北角。紅石上書。熒惑居前。埋東南角。白石上書。太白金居右。埋西南角。
黑石上書。辰星立後。埋西北角。黃石守中。埋中宮。各石下書。山尸煞鬼符一道。又用小甌一箇。
內盛五穀一斗。外面書八卦符。車軸一根。上書八卦符。出現半截。同在正中。埋在中宮大吉。利。
鎮誤犯神煞

凡人家蓋造打牆穿鑿。不信神煞。修之已後。損人傷畜。用柏木板一片。上書天無忌地無忌。鎮
於中宮大吉。利。

鎮入宅移徙

若移徙入宅。或以外姓人移居。同鎮犯之。主人災口舌官事。失財損畜不利。乃是四凶方。禍害。
五鬼絕命六煞也。鎮用原居舍四角土一斗。泥灶上大吉。利。


鎮近宅有路

前路西路後路東路凶。鎮用大青石一塊。重一百斤。上寫泰山石敢當五字。向外。或埋生氣一
塊。埋路中一塊。永吉也。

鎮近宅寺觀

宜以正堂中。供佛道聖像。吉。龍壓百鬼。不敢侵寄。又法鵲巢土五兩。天德方井內。取淨水為泥。

泥在中宮台下大吉又石面書符埋中宮大吉



鎮隣人壓旺方

用柏木人一箇本宅旺方埋之去他家旺方取土自宅中心撒之吉又法取七家井水傾入自井則福加也又法用石一塊重四十斤埋於本方大吉

鎮十八減沒

凡人移徙入宅往來冲犯減沒主驚恐之事所作不遂大凶假令正月申入寅立秋寅入申為減沒鎮用石下土一升作泥人四箇埋住宅四角遭凶者止又法埋於大門中亦吉


鎮八方位

凡人家修造宅舍四吉方位只宜安床設帳庫側牛欄馬廐吉四凶方上宜取土作坑井池確磴圓固厠灶等件如在四吉位置造者則六畜不旺田蚕虛耗凶宜斬斷硃書符貼於犯處大吉或埋入地亦吉又宜酒菓紙馬祭之



鎮火庵遠近佈文畫卦

入宅佈文如得重陰則陰旺陽衰佈得重陽則陽旺陰衰也是淺學之師不明宅法顛倒交神則畜養不旺人口病患不止宜抽交換象吉如不能折者急用大石一塊重百斤上面書符埋入地內重陰上界北埋重陽上界南埋若界外佈成六煞五鬼禍害絕命依前九宮見宅法鎮之



鎮退方煞

犯之主田蚕六畜人口死亡凶鎮用赤小豆三升赤歲七斤赤絹七尺紅石一塊七種香藥埋

地中犯方大吉

石面書此符



鎮黑碧綠黃赤星

誤犯二黑急以白楊木人三箇各長三寸於背上書匠人姓名埋坤方入地三尺可免災吉

犯四綠急作錫人三箇各長四寸背上刻匠人姓名埋巽方入地三尺又於白綠方倍工報之吉

犯三碧急作鉄人三箇各長三寸背上書匠人姓名埋東方入地四尺更於六白方倍工報之吉

犯五黃急以青楊木人五箇背上硃書匠人姓名埋未方入地五尺更於八白方倍工報之吉
犯七赤急以炭七斤以赤布袋盛之袋上書匠人姓名埋兌方入地七尺大吉

鎮年月日時不利


凡立宅年月日時同用支干納音論之俱在生位上吉二位生一位尅中吉一位生二位尅小
凶三位尅大凶用生宅石三十斤埋於中宮吉假令乾宅用丙午日是二位尅一位生為小凶
鎮用黃石三十斤埋中宮大吉餘皆倣此鎮之

月犯胎汲凶死休廢者不出一月官司口舌之事鎮用狗頭骨燒灰並歲德方土一斗為泥泥
在灶門大吉

又法竹節三個用八節日埋灶門中吉如開門不宜放水不便隨宅改之若不改者則牛不犢
馬不駒用石三十三斤埋門中吉

鎮分房不利

分房不均利月則凶殃頃發每歲災生鎮用住舍四角草各一把化糜送在他人井中吉
如分房不均宿尅宅主人災不利用尅宿石一塊埋本房門吉又所造宅或二十八宿九曜穿
臨尅宿者亦用尅宅不一埋重百斤上書符去本宅伏位深一尺五寸大吉



假令乾宅穿臨尾宿尅宅凶用黑石一塊書符埋入本宅西北角吉如震宅穿臨武曲雖然吉利却是本宅鬼星臨凶用紅石一塊重五十斤埋於正東吉

鎮太歲入宅

命前五位是也假令甲子命以巳年為五辰甲又從寅用五虎元建遁起逢巳是巳巳為正太歲穿宅凶餘巳為旁太歲不是也忌之則為野術如犯正太歲則其人不和災病破財立至鎮用本年太歲方土一升作泥人一箇送廟中自然安吉

又附大小墓月不宜修宅主破財災病困垂不遂凶鎮用住宅四角土一斗培本家墓頂更以紙馬祭之大吉

鎮大小月建

大月建諸書所載不能殫惟此法能鎮之用牛頭骨赤銅五兩新磚四塊車輻四根蘇木水三桶鞍鞆皮一片黃木榆樹皮麪煮粥紅絹袋木炭安於犯處大吉

犯小兒煞鎮用枸杞子五個牢裏草一把赤銅蘇木水少許安於犯處大吉

鎮年禁

犯之損家長及小口破財五年滅絕用桂心一錢茴香一錢人參硃砂金精石海金沙雄黃各一錢埋於犯處又柏板一片上書年禁神姓名埋中宮紙馬祭之吉

如乾宅四十年坤宅五十年餘宅年數可知。過此則無進氣傷人死畜不利。宜改別宅。若不能改者。急用三家旺方土一斗。十字街心土一斗。同福生草夜於本宅撒之。則福氣重加。田蚕倍收。人口興旺。又用新磚四塊。上書硃符鎮埋四方。則凶神遠出。又用桃符四個。上書硃字。鉗入四角吉西北角。天圓地方鉗西南角。律令九章鉗東南角。靈符到處鉗東北角。萬禍消亡。定依此禳之。則其宅依舊通快。如改別宅一般大吉。

東嶽泰山靈符能壓寅卯辰甲乙震宮土神

[illegible]

東方埋之大吉除却千百災禍立有應也


南嶽靈符

南嶽衡山靈符能壓巳午未丙丁離宮土神

祥

祥

衡



南方埋之大吉。除却百千災患。立有應也。

西嶽華山靈符。能壓申酉戌庚辛兌宮土神。

吉




西方埋之。除却千百災患。立有應也。

北嶽靈符。

北嶽常山靈符。能壓亥子丑壬癸坎宮土神。

喜



北方埋之大吉除却千百災患立有應也

